

集部

欽定四庫全書

集部 胡文敬集卷三

詳校官监察御史臣 坦

中書臣劉源溥覆勘 總校官編修臣 王熊緒

校對官博士臣金兆燕 腾録監生 · 周慶生

欠との事心与 其未發而天地為物之理森然其於其中而無族兆 詩集後序 本於天根於性發於情也盖天生萬物惟 4 天之理而萬事萬物莫不該馬當 胡文敬集 明 胡居仁 搩

|志則二帝時已有詩矣擊壞歌未叶韻南風歌唇歌 之音韻詩必叶韻所以便咏歌也咏歌發於性性本於 則長言之又不自己則咏歌之既形於咏歌必有自 天此詩之所自學詩者所當知也當考舜命襲曰詩言 通既感無不通則形於外者必有言以宣之情不自己 叶韻矣五子歌及商頌諸篇二代之詩也至周則 而形於外者情也心之用也由其理無不備故感無不 可見者性也心之體也事物之來惕然而感乎內沛 巻二 有 則 紙 風

多足也人有言

.... 皆宗李杜李白之詩清新飄逸比古之詩溫柔敦厚莊 化天下者殆猶香花嫩益人雖爱之無補生民之日用 句 風移變而為騷又變而為排韻為順體為調為律詩 有雅有頌風雅頌之中又有賦有比有與則詩之體製 一備故說者以爲三經三緯又以六義名之厥後世降 則詩之體製義理性情風韻豪壞盡矣世之談詩者 杜公之詩有爱君愛國之意論者以為可及變風變 和雅可以感人善心正人性情用之鄉人邦國以 1 用之改美 風

銀定四庫全書 道 之習熟讀三百篇玩其詞求其義涌泳諷味使吾心之 義使吾心正氣和則詩之本立矣絕去巧麗對偶聲 欲枝葉之盛也其可得乎即康節言删後無詩其以 明 雅然學未及古拘於聲 也然則詩不可作乎曰何為不可哉但務養性情明道 不行教化日聚風氣日薄而能言之士不務養性情 詳密義理精深亦 天理乃欲專工於詩以此名家猶不務培養其根 非 杜公所能彷佛也嗚呼後世王 律對偶淇澳鳴鳩板荡諸篇工 卷: 而

後序如此 古人以良醫比良將以其理之同也將之為道當先完 樂實係世道盛衰非智力可強探而必得也吾祖亦非 意與之相乎而俱化則性情以正聲律以和不拘字数 寶藏不失恐後之子孫不知所本而專事於未故於集 專門於詩者流芳集所録乃其餘與所發先世手澤當 白語多家但求韻叶以便歌咏則庶乎近之矣大抵詩 贈醫士胡伯源 用文段表

武則國內虚耗人民愁怨雖使勝敵終至危亡況必有 病之所在而攻治之則病易去而身自安臨川胡君伯 敗績者予醫之為術亦然當先調養柴衛完固元氣視 固 而彼之民若崩厥角稽首矣药不完固其内而窮兵黥 固其内而後可以攻外如擇用賢才脩明政事養民以 有得乎此也餘干王文彬妻袁氏毒瘡發於頂間醫 邦本嚴紀律以脩武備然後誅暴禁亂則兵不血刃 ,辨疾盆危急乃具書幣以請胡君至曰當守內而

多定四庫全書

尚儒察其脉曰病雖深幸五臟之氣未絕但元氣衰弱 此故書以贈馬 外為風寒所乘治療之法當內壯元氣外避風寒俟其 彬請予文以謝予以伯源故家胄儒而善醫者必明乎 攻外內之堅也外當自潰越五日而疾愈束帶東歸 而漸安可也隨胡君可謂善醫者矣夫人稟氣以 患疾數載畏風怯寒傻至危因里中胡君琳業醫而 贈醫士胡琳 月文徒

ÞÍT 錫定四庫全書 今病小愈因以君醫而思吾道益人之引元氣不壮 調扶元氣為本焉世之庸醫不知此而妄殺人者多矣 為吾之害故善醫者雖隨其冷熱虚實施以治法必 含氣以長氣肚則外那不侵氣衰則風寒暑濕皆足以 邪得以干之猶人之學大本不立外物得以奪之若 立大本然後理可明而德可脩必用賢才然後政可立 治亦然抑以賢才不用暴虐得以為害數故立大本 以肚學者之元氣用賢才所以肚國家之元氣也必 卷: 二: 國

益詳益備故自二十五家之間以及族黨州鄉莫不以 定職大小也其日敷奏以言明試以功未嘗不察言以 朝廷之治以得人爲先古今莫不重選舉之典然唐虞 爲名醫而雅尚儒術併以儒道言之以廣其志云 考其實也傳夏及商以至於周則學校教養考察之法 以九德取人其曰六德有那三德有家則以德之多寡 而民可安否則百病交侵其滅德而丧邦也必矣君雖 送掌教林世祥典考北京 月文改集

都定四庫全書 士於是有秀才進士等科以甲乙丙丁爲第李唐因之 問胥族師黨正謹書備録以著其實三年大比則黨正 德行道藝為教亦莫不以德行道藝為選故月吉歲時 也的循其實亦不患不得人矣至隋則以詩賦文解取 科目與馬然口孝廉曰經義曰賢良曰茂才其日猶善 漢則故養選舉之法已不復古於是屬與之禮遠廢而 而與之以獻於王當是時人才之盛風化之美宜矣至 州長鄉大夫並加考察以盡其詳然後以鄉飲之禮賓 卷二

雖然內外實一致本末無二理其心明乎正理而無被 追及我朝紀以經義策論取士雖未能盡復成周之 得人也哉故當時亦有才俊白首之嘆宋則漸尚經術 棄本務末習尚雕琢空言無實已非待士之體尚望其 考其弊又有不可勝言者况収人於言語文字之間乎 之策論以觀其才而其所以爲考則係於主司之賢也 的非其人雖行成 周鄉舉里選之法一以德行道藝為 亦非隋唐空言取士之比也盖考之經義以觀其學試 月之改集 制

也吾饒掌教林先生世祥端厚而有德好道而精文 心通乎道然後能辨是非如持權衡以較輕重孟子所 者文必滂沛發越氣之正直者文必典勁雄壮首知之 則見於文者必平正通達而無病得於中者渾融充實 何不得人之患哉孔子曰不知言無以知人也程子 明而察之審則厚德高才之士瞭然在吾心目之間又 而無歉則形於言者必光輝明者而不可揜才之浩 知言是也噫必知道知言之君子乃能稱考司之 曰

一 好 定四庫全書

表

始 別子適在郡同錢於月波門外芝山驛前 言知人乃自然之驗此行也京華士子之賢且才者世 秋大比京師請司文考予惟世祥蓄於內者如此則 祥必精選以副國家得人之望也士友董縣等徵文叙 . ī 鄉後徙臨川白玕六世祖斗南徙餘干鄒店九世祖 祖檢閱公尚質泰州人隨宋高宗南渡居進賢之 記 移居記 月之文具 歸 知

銀定四庫全書 畝 而逐幽志於是與兄居安請親命而遷家馬成化乙酉 於平道或登覽於高峯或避濯於清流又足以暢素懷 流於下墩之西寬曠數里四山遠聳中有高爽之地數 載矣終以其山水偏逼無以托子孫於悠久近得梅溪 日新徒梅溪予年十二三隨親居安仁之大原今二十 西南五六里有地曰福壽墩墩站立於地數何两溪交 收溪水可漁固足以為理生要務建夫暇日或縱步 可卜居馬至於平畴可供耕種山林可供旗變長岡

欠記り見ん 者亦有貧而勉強以慕外者豈知古人居室之義哉古 乎記此雖以自述抑以成子孫云 重而不服于此也彼役心力於華靡者安知道義之貴 人之居取足以障風雨雖曰志尚乎儉實其以道義為 樂也嗟夫世人務為高堂廣及固有富而恃財以驕 植竹木於上蓋取其功之易成而不費亦予貧暖之 冬移屋数間覆簷以茅瑾壁以泥周屋以土為輕而 鰥夫記 胡文敦集

堯舜文武脩已治人之道發政施仁制田里簿稅紋 府庫之財以販之如其費何惟得聖君賢相與之極論 之貧者衆矣恐財不能賙也嗚呼天下之廣羣生之衆 富貴能濟我乎應之曰固所願也但吾宗族鄉黨似汝 父年近六十子年三十三問何以不娶對曰貧故也予 共鰥寡孤獨貧困而不得所者不知幾千萬人矣雖 心惻然嗟嘆久之既而勝良曰聞先生有仁心茍異日 予因嫂氏之葬寓宿於墓鄰范勝良家見其父子皆鰥 竭

金月四月在重

勞實為養民之本與築城郭宫室臺樹以用民力者異 冬寒或有風雪居仁因 思古之役民皆以農隙此役雖 涸民受其害於是召正謀用石葉泉懼工大難成又慮 吾里彭家陂舊有柴土疊作瑜年則柴朽土崩水泄田 其語而記之 姦完任賢良盡教養防虐害則汝得以遂其生矣後數 日與毛鎮周豐言之鎮曰此仁人君子之本心也因次 永濟陂記 用之改集

人尚不能濟况爲國而無賢才可予記此雖以謝周君 之賢則此鄉之民無歲不有早患然此一事耳尚非得 宮室而盡力乎溝洫今有司既不用心於此向非 辛且經始至壬戌畢工灌溉不息民無旱傷故更其名 矣里中周居客忠厚公直人也衆所信服乃就誤馬周 之德實所以為鄉鄰幸也他方之賢慕義而興則惠之 君乃偕弟周懋及夏隆張福宗等率衆併力冬十一月 日永濟嗚呼民為邦本田里溝血實王政先務故曰卑 . 周君

金定四庫全書

とこりも 出入書院者必渡澗水然後違况經雨雪則山產谿谷 貫道門者白鹿洞書院師生賓客出入之門也貫道橋 在貫道門之左數十步凡入是門者先由是橋而進故 懸崖瀑布傾瀉而下至於石澗紫迁曲折經書院門 記 所 與門同名而不異也洞中之水發源於五老拳之 施益博後之人能繼此而作則澤益及於無窮馬爲 貫道橋記).L. **圳文技集** 石

思悠然非但不病涉而已承李公之志以底其成者同 潤厚而堅横跨澗水士子賓客徐行稳步徜徉遊息情 遠之計於是出資暴正始於戊子冬成於己丑春高而 故學者雲集視是橋地不可不脩又不可不爲堅固 成而復比盖由積雨水激以致崩壞成化改元潮陽李 公提學江右一新書院選州色士子之秀者聚而教之 之水奔趙湍寫首無是橋則往來隔絕橋之所以不得 不作也此橋之壞已久景泰問太守錢塘陳公嘗脩之 7 卷二 久

金月四月年

とこうし ここう 牧伯同寅恤民旱灾而蠲其糧稅漕運又撥米以賙 奉奉以德行為教揭朱子學規以示學者書院既與好 古樂義之士自公卿以至岩穴之賢來遊是洞者接 聯鑣公欲立館以延賓客而重用民力乃謀於憲府及 潮陽李公齡既新白鹿洞書院置學田延師儒聚英俊 知該公讚推官沈公瑛星子教諭吳君慎檢校黄君恭 也居仁後十三載復來是洞因追述其事以記 延賓館 記 明文改集 武

饑 以是為心的示道義以教洞之學者則是館之作有功 延賓者豈非欲得天下之賢以共明斯道乎入館之賢 延賓者欲得天下之賢以共成其治也李公作是館以 李公之亡情熊公之去追述而記之嗚呼昔周公握髮 仲冬畢功於孟春民不告勞然所以佐其事者同知熊 公讚推官沈公瑛檢校黄公恭後十三載居仁來洞傷 石灰毛之費皆公捐已資未當有毫未斂於民始事於 困至戊子冬歲稔民安乃於農院與工木價正工磚

金月四年全書

表:

革云 白鹿洞書院舊有貫道門與極星門並西數十步乃明 與書院司訓方君文昌董其事視貫道之廢而新復立 倫堂之外門也凡師生質友出入俱由此成化己亥重 公太守于公重與書院星子縣司訓方君文昌復加价 於世教不淺矣後十二年參政祁公憲副鍾公憲愈莊 於延賓館前名之曰由禮在禮星數十步東也二門 貫道門由禮門記 月じえた

欽定四庫全書 矣知由禮之義則動容問旋揖讓進退皆有品節儀則 無情慢邪僻之行矣如是而先生之教不復聖人之道 門之義入是書院者知貫道之義則必操存省察窮理 之之義由禮者即孟子所謂禮門也惟君子能出入是 君既成是門屬子并記之予謂貫道者取吾道一以貫 既立於是師生出入多由貫道賓主揖讓則在由禮方 力行以求貫通乎體用之全有以脫乎辭章俗學之陋 不明未之有也自省則在乎人馬

お前年

矣子今復來相與講學於此且偶然乎子盡記之曰子 冬子從先生往園亦登是閣於此十六載矣令復訪妻 至何能然乎因謂予曰昔先生登此得親至教先生逝 學之所每遇有學之士則延於其間相與討論景泰癸 君於閣中極論累日得所未得者甚多非妻君發明精 西冬吾康齊先生嘗登馬因書去問二字以貼之丙子 上饒婁君克貞予同門友也所居東有重屋為燕朋講 **芸閣記** 月こ文具

倫萬事者以其具此理於心也然則存心窮理之功 書不為虛藏矣若夫造乎廣大高明之域収斂完養以 若然則先生雖逝此道未嘗亡此問重可敬也閣下之 以致其廣大之用則所以行道濟時者其具本於此馬 須臾刑乎必也莊敬酒養以立其虚靈之體讀書窮理 至精密純全之地以入聖者則有望於專君焉友愛教 言可以記其所以然乎雖然人之所以能參贊天地經 君者正以德不脩學不講欲求麗澤之益豈有德有 可

飲定四庫全書

相與同登此奉此奉顛巨石此起處名奇異頂潤數丈 季秋偕柴時珪訪先生家於其晚日霽風高清凉滿袂 歸儒奉者行素璩先生居之後奉也居仁於成化壬寅 養有賴於風兄聽推行輔異豈不在於殿弟謙乎繼承 くこうし こう 云 而求其傳者歐子性忧不得不勉也君名諒一齊其號 如張蓋其下有岩問其名曰昔傳有禪者居此故名 歸儒奉記 N **圳文版集**

古今一 坐談論古今久而忘歸也甲辰春王二月乙丑先生造 生生幽而鬼 南谷徵文為記又請書歸儒奉三大字於石予惟天下 異端也請易其名曰歸儒奉於是相與長嘯登其顏而 即 渾然克盡此理故曰大哉聖人之道惟君子爲能戒 所謂萬殊而一本一本而萬殊者也惟聖人之心全 師嶺予曰先生儒者也以禪名所居之峯非所以 理而已究其極天地之所以闔闢萬物之所以 神 明而禮樂顯而人事無非 理之所 爲 闢

分定四年全書

巻二

說高妙易以感人工夫捷徑易以成就 天地萬物人 默其害天理則一然其用力猶緩滅理未盡至如禪 皆名異端皆能害聖人之道為害尤甚者禪也禪師 謹恐懼體之於已故曰君子之道費而隱禪者此理中 而尊之國隨以減楊無君墨無父老玄虚莊曠大列沈 之别名佛中工夫最捷而精者昔達摩西來梁武帝感 所無以其孔穴相通黄蜂野蝶交穿其內非聖人之道 而別為一端故名之曰異端恩嘗論之楊墨老佛莊列 佛

文己D巨 在香

胡文敬集

事 多为口屋 聖賢者也猶身溺於禪况其他乎故程子以為學者當 如淫聲美色以遠之今之學號為高明者陷之愈深此 猶見感於大顛況其下者乎吕紫公游定夫陸子靜學 予所憂者故因是記 而詳之也 理 切歸空天理根株掃蕩己盡韓子關佛老者也 1

成化平山春三月已亥子遊西湖錢塘掌教丘君崇育

遊

西湖

記

訓徐君旭周君璘相與偕行出杭城湧金門外

即

司

處恭儼若思不愧屋漏此靜時存養之故也執事故事 舒君陛至乃相與登和仁和掌教林君邦輝又至乃 欲習靜未有不入空虚者既而杭郡掌教毛君敏司 思收偷已以敬此動時省察之敬也若不主於敬而專 為動静為體動為用古人之學多在於静乎子曰人 不立静而無動則用不行二者工夫皆以敬爲主乎居 湖也憩柳洲寺因論道之體用諸公曰未發為靜已發 |心動静無端體用全備不可偏廢也動而無静 則體 訓

物窮理為先後世所學淺陋者因其不能即事以窮理 之道直若孫吳偷捷一時反為殘民之具乎諸公又 若周禮司馬乃平時講武之法湯誓泰誓乃臨時用武 也遂因鄂侯而極論用師之理以至於宗湯武鄙孫長 侯之忠勇及秦檜姦邪誤國之狀予曰大學之道以格 蓋以杭俗之奪而示之以儉也酒數行言談亹亹論鄂 舟湖中院杭志以觀古今人物諸公備酒肴蔬果數品 秦檜姦邪固可為成若良相之道可得聞乎曰愚陋無

欽定四庫全書

先生庶盡陪遊之情也予謝曰愚陋一人豈足當諸公 登舟而回諸公曰今日之遊良會也請人各舉杯以 於是舟抵孤山拜林公祠舟抵鄂墓山拜鄂侯墓倘徉 日達四聰此爲相之道也若有賢才而不能用有邪 知請以古人明之舜舉八元八惶誅四凶闢四門 而不能去則聰明盡為小人所敬惡政日施危亡至矣 示之以禮於是乃行旅酬之 勸且杭人遊於湖者必縱酒酣歌醉不知節今正當 月した 禮雅容掛逐自長及幼 明 勸 侫 四

學職未嘗出遊以先生之遊非世俗之遊也故樂陪不 陸行入城而別次日周君璘復來相訪乃曰諸公身繁 青草交長清風自東南而來雲氣從太空而布日欲落 餘諸山磊落奇秀宛然在目然後俯臨湖水魚蝦不驚 烏欲棲情思悠然不知樂之爲可樂也旣而舟泊乎岸 **倦所言所行皆當記之而不可畧也予因詳其本末以** 曰北高拳獨孤山屹立於湖中一吳山遙應於城內其 周而罷縱日眺望奉之聳於南者曰南高拳聳了北 者

針定匹庫全書

松江郡治東南舊有清軍治事之所其地寬行傍連溪 著于篇 棠溪書院記

知先生來都重加脩革前為治事聽後為無寢堂左右 衡于先生前任河南衛輝通判累有治績舉陛本府同 溪書院同府于公欽來繼其事植碧梧數株於內海公 祥傅公愷又創外門并牌扁成化甲午冢宰尹公以世 水吏部主事黄公平來爲通判乃創廳堂齊舍傍日棠

久己の豆 いま

胡文敬集

善行有關於政教者以自勉勵於寢堂两柴分爲四室 **寢堂中仍揭康齊勤謹和緩四大字於福書平易近民** 之北壁書太極圖解於北壁之東西銘解於北壁之西 生黄堂勤政四大 字又以愷悌君子民之父母八字置 視民如傷於堂之南北壁堂之東西壁盡書古今嘉言 南曰琴室中設聖賢像古琴一張蓍策一 两無外設門墙先生于廳之楣揭其師聘君康辭吳先 北日清軍局軍州藏馬西北日清匠局匠冊藏馬東 横置於左右

金灯四風百量

7

大三日日 中退坐寢堂讀書鳴琴遍觀格言以自省又其服或賞 雪窗之前扁碧梧軒軒之西南作常溪橋雜植花卉疏 同寅商確政事畢即造書院清理公事既服則深衣幅 果竹木數十餘種先生每日升公堂與郡侯王公及諸 躍池池之傍有釣魚磯池之內有蓮因書茂叔爱蓮説 過遷善八字以自警堂之前虚軒此做扁曰太古軒軒 之北書吏隱二字琴室之前扁翠竹軒軒左之池名魚 西南曰雪窗中置一榻傍積古今書籍揭懲忿室愁改 H 胡文敬集

書益備矣千有餘年宋之大儒發明精切詳至後之 作而文籍生馬列里选與然後典誤訓誓之書國風 義之厚特及拜謁乃得於書院中親炎講論者累日 情思麗然而 指同官士友有來書院者則相與講論道義游觀景物 花或看竹或觀魚或垂釣緑陰滿窗清香透户草色連 頌之詩禮樂燦明春秋經世諸賢繼之而垂世立教之 命記其事夫河出圖文明之祥始著於是卦畫立書契 不知倦也居仁昔受春秋經於先生以情 雅 因

金少旦屋

. 437

酩 宇以為游息講會之所此書院之所以立也先生居 誠能熟讀精思以窮其理躬行實踐以體於身則何患 經子史無不講究必能推之 其所未至其進直有窮哉昔孔子以誦詩三百授之 正所謂仕而優則學者數先生於應事之際推此理 政於政務之眼讀聖賢書以縣政事之當否而益求 之不脩國之不治民之不安哉然必有齊舍堂室墙 不達使於四方不能專對雖多亦異以為先生於 月之文章)於政以及 松民民安山

教是那必以德行爲先昔孔子謂善人不得而見吾今 嗚呼公乎氣稟純厚德性溫然慈祥孝弟得之於天提 世有賴馬先生名準平齊其號云 後之君子繼此而居講道致治則常溪之澤無窮松民 然後先生之樂可得而遂也噫世固有以讀書為誦說 之資利禄之媒者豈不重可惜乎因記其説以俟來者 祭祝文 祭潮陽李先生

鐵定四庫全書

巻二前1

敬陳薄奠公其鑒焉 勤今當入洞之初仰膽貌像兢慄不勝謹率諸生恭行 舍又置乎學之田不惟惠及乎後學實使道繼乎先賢 夫子德配氧坤教乘萬世居仁服膺遺訓敢不夙夜惟 居仁不肖夙被深恩既無以報公之德敢不誦公之賢 公見馬於是洞之復與賴公心之奉奉旣新乎學之 釋菜祝文

欽定四庫全書 柳宛张當時流澤既遠 儒教益施 既廢復與今昔何異 崇德報功先生是祀先生之神尚其降止 先生肇基是洞水秀山奇經書是博白鹿是娛花卉臺 环六世之下居餘 干馬高祖汝器曾祖日新祖伯昂皆 處士環溪胡公諱南俊行瑗二先世自泰州徙臨川 墓誌 先石墓誌 祭李賓客白鹿先生 70 38 1 白

也妻王氏公器之女子居安居仁女二人長適樓山于 水環逸因號口環溪堂學士沈公庭爲之類額歲晚寫 事浮靡好賓客而尚儒術尤喜吟詩所居梅溪前有溪 女孫二以明年二月壬寅葬于梅溪下埠坐養面洲不 熙元幼適河橋周愈孫五人崇聽崇廣崇脩崇益崇正 居安仁之大原以疾而終時成化丙戌二月二十九日 桂氏公生於洪武丙子正月初一日資禀雄邁質朴不 卿之傑特也父子儀以讀書教授鄉里號竹友先生母 明文段集

欽定四庫全書 於為已擴而充之無所不至彼為人者喪厥良心惟 凡學之道立志為先其志伊何曰聖曰賢聖賢之學在 復求當時文士之銘聊誌公之事實庶有所傳信云 肯孤竊應浮辭溢美不足爲公重徒爲本質之累故不! 是務惟利是徇學問之功循序漸進行遠升高自卑自 近存誠主敬立我根基匪敬匪誠外物昏之其誠伊 鉊 進學銘 卷: 二: 名

フーン 儒 視欲其尊顏色欲其整心肅容必莊外嚴中自正內 靈不測是日天君即事即物務窮其理理無不窮其知 盡厥真實其故伊何容莊心一 母暴母亲母忽母輕 之家齊國治聖人能事此其畢矣為此銘戒告我良 乃至理錐在事實倘吾身力行既久全體皆仁舉而措 衣與儒冠儒言與儒行四者皆具全表裏斯相稱瞻 衣冠銘). Lin 胡文敬集 誠敬既立本心自存虚 Ī AN

銀定四库全書 聖賢遺訓萬世法程讀之貴熟思之貴精體之貴切行 銘為我中心警 作功皆以體吾敬文質貴得中勿使偏相勝作此衣冠 交相養其德自然盛非僻既無干神舍常虛靜聖人制 之貴誠未斃勿已永鑒斯銘 説 書厨銘 夜存子说 卷二

此 然後人與物異而能全其仁義之心者獨在於人也於 冬予寓都城永福寺緝熙與予游徵文爲說予因孟子 矣番易董君緝熙有見乎此自名曰夜存子成化壬寅 始有異也然氣因理而有理乘氣而行升降錯綜參差 之言而推其所以然理雖不雜乎氣亦不離乎氣也心 不齊而偏正通塞分馬正者理通為人偏者理塞爲物 不存即禮所謂猩猩能言孟子所謂違禽獸不遠者 極之貴二五之精妙合而凝則生生不窮人與物未 月文沒美

無

銀定四庫全書 其畫之所為哉學者誠驗乎此而力致其操存省察之 則氣之精而最靈具乎是理者也氣清則心存而 循名而勉其實 **豈有牿亡之患哉 緝熙志乎此知為學之要也數惟母** 則畫之所為亦善矣若然則氣清理 仁義之心也且之清由夜之息觀夜之息又豈可不謹 氣昏則心放而理亡一日之間惟旦氣最清故能存其 功使畫之所為既善則夜之所存益問夜之所養既深 明常如平旦之時 理 在

乎两間養野以養萬民以至庶物其不得其所養者君 耕田鑿井含哺鼓腹以得其養者民也德無不實心無 也食君之禄以養其身而各盡其職分所當為者臣也 其心威儀行義以養其德而不造次顛沛之違者賢也 者天也博厚在下順承乎天而成養乎萬物者地也位 説曰頤養也高明在上以陰陽五行之氣生養乎萬物 不存至誠無息不待養而自無不養者聖也理義以養 頤仏説 明之改集

賢王以此自 保形練氣以一身之私滅害天理故程子名其為天地 仁對曰頤之義善矣仙之號所未聞也仙者吐納呼吸 承上祖之德受朝廷禄養清閒快樂優游無事如山中 之賊朱子亦惡其偷生昔漢武帝感於神仙晚乃悔過 仙乃比託之詞非真有求仙之意也既承禄養又豈 類而通頤之義廣矣博矣成化癸卯春臣居仁客寓 陽淮府賢王延至梅亭講論遺經因命作頤仙 號何也王曰非此之說也予以宗室之 説 居

金定四庫全書

T.

疏以獻 名而無慕外之心其旨深矣豈非宗室之賢者乎謹具 思之昔周公周室至親以聖德輔成王養賢養民而澤 室盡親親之恩吾王受所養而思自養其德又以仙託 及天下其餘不得其所養者多矣今聖君以厚禄養宗 明天子在上予乃自養其德託名乎仙不亦宜乎臣因 可不自養其德乎一日不養則德喪矣養賢養民既有 明文致集

銀定四庫全書 得其氣之秀而性之靈者爲人得其氣之偏濁而洪纖 萬物之依載而萬物之所資以成者謂之地生生之中 生物之主者謂之天隤然成質至靜至厚位乎其中為 皆所當窮請申論之其氣之運動周旋包覆無涯以為 之自然不容已者也以五倫言之首出庶物綜 動植各有其性者為物雖 理之自然而萬殊自不容已故本末精粗大小遠 窮理 基二: 有天地人物之分無非 理民 此 理 近

容已者也以經言之是理之見於陰陽交變奇親象數 之刑 生育慈養者為父受生成形者為子陰陽判合者為夫 其惡謂之化雖政刑教化不同亦莫非理之自然而不 所施以正百官萬民者謂之政治惡禁非以弱教者謂 為天下之主者謂之君佐承其君宣布治化者謂之臣 てこうに こう 朋友雖五倫不同莫非理之自然而不容已者也君之 婦尊卑先後秩然者為長幼交游輔異以成其德者為 憫其愚而海其不能謂之教感其同然之善而變 阴文技集

以為學棄而不窮終於愚也姑舉其大網以發明本原 春秋經雖不同莫非是理之形者作於當時重於後世 者謂之易者於帝王之政事而具於方冊者謂之書發 也由是論之遠近大小精粗本未雖曰萬殊英非是 因當世之事定其是非褒贬為百王經世之法者謂之 度數者謂之禮發於聲音律呂而宣暢和樂者謂之樂 乎人情形於歌咏者謂之詩見於日用先王裁制品節 所為而自不容已聖人則體此以為教賢人則窮此 理

多定四库全書

之釁拒微之忠可以贖失期之罪而漢夷其族太過也 快又漢以詐擒之故起信反側不安之心又以為信逆 謀雖露猶可以功贖罪有其子孫迎陳之禮可以贖自 功不當忘其功而殺之又以信初無反意乃因失職快 先儒論漢祖殺韓信事責漢者皆以漢取天下多信之 ここうしこと 人自用其力馬 切要之意若推類而通以至愈精愈密盆詳益盡則在 高祖散韓信 胡文版集 王

地許之乃以兵會又起漢祖之疑取信之心萌於此矣 宜乎所論雖當不過就事論事未有推究其本原者夫 封固高祖之不得已也約共攻楚信乃越期不至必割 身脩然後舉而措之天下則王道可與伊周之勲不足 責信者以信減齊不報而自王以起漢祖之罵躡足之 天下之事莫不有理天下之理悉備於身必理明心正 召太公後世血食天下已定乃謀畔逆夷滅宗族不亦 又以為使信學道謙讓不伐功於能庶幾勲可此於周

動坑四库全書

たくこりをとこう 裁其君故功利之不能保終理勢然也綱目書后殺淮 利智謀投機首合未嘗誠意相孚而其成王業既以 高能成已之功故用之以取天下是君臣之間舉以 於孫吳然不過欲成功名取富貴漢祖亦以其才智之 分上之利自然君臣相猜嫌隙口深非君殺其臣 才智之士以利禄之心挾孫吳之法雖其謀策之善過 期矣君臣一德上下同道保全終始不足言矣信乃 相從則君忘臣之能恐其奪吾之利臣挾其功而 **5**7 胡文敬集 芜 則 臣 欲 功 功

請輪東帛加壁迎之禮亦至矣既至而以治亂為問問 陰侯韓信夷三族則漢固失侍臣之道而信自取滅亡 大學之道哉 金为四山石道 中公之學寡約乃一偏自守之士也漢武帝遣使安車 隱然可見矣噫後之君子可不鑒乎此而盡力於聖賢 資雄邁志甚高識亦明才亦壮惜乎知未極其精行未 亦切矣中公答以顧力行何如言雖約而未盡武帝天 申公 炭二

告君之道者惟伊訓説命孔子答哀公問政孟子告齊 之道也正所謂不博而欲徑約乃流於孤陋古今能盡 致其知然後進於克已脩身之事則知行兼盡武帝之 抵於誠而為物欲所害也為申公者當開以堯舜文武 病可治矣今乃以一言之寡己非告君之體而盡治亂 告之大學窮理工夫以開發其聰明使之精察事理以 防其物欲保全其大本如堯之欽舜之恭文王之敬次 之道德功業使之志向益堅然後告之誠敬涵養以關 钥文故集

泰苻堅得王猛自以為若玄德之遇孔明後世俗儒 法所不容者安可比玄德玄德乃帝室之胄志在匡復 未明道固不敢以此責備居仁欲以此 望於後世大臣 及應聘君子 梁明道告神宗乃為無所不用其極也申公雖賢然學 承献帝密詔討賊 王猛比孔明皆非也持堅乃五部之雄弑君弑兄 王猛 即名義俱正孔明之在南陽人龍 王 ホ

動玩匹庫全書

卷二:

青天白日光明正大可同日而 時 佐 代以下得出處之正莫如孔明當玄德喪敗之餘孔 卧當時曹操孫權皆漢賊不可仕之德 三 顧方起則 てこうし ここう 使在三國之時必仕操 玄德以立國玄德既沒孔明以偏屬之師聲魏之 取中原司馬懿不敢敵戰則孔明之才非猛比 西照主暗國危東晉強臣跋扈故能 而為司馬懿之徒矣如孔明 明之敬集 語哉 輔坐吞噬中 幸 猛 國 峢 2 2

作春秋傳者猶不盡取之况詩傳乎或序者先見左傳 風變雅作豈可信其後序而不信其前序乎左氏浮誇 事類推求又折東以義理有以真知其是非真偽非 多定四库全書 撰臆度故有所從達也馬氏乃欲深護序說強為辯論 朱子於詩經序 説或從或 否皆以詩之 解氣意語文義 何哉至於以變風盡止禮義引左傳為證以删詩為缺 引論語為證皆非也序亦有言禮義廢政刑失而變 辩疑 7 杜

在氏先見序說故相附會皆不可知况春秋之時禮廢樂 老泉熱氏水心葉氏端臨馬氏皆以復井田為儒生空 務農重穀使民食足而生養遂然後教化行而風俗 君者所以為天下主以養天下之民也故必均田制 其重複正其紛亂善不足以為法惡不足以為戒亦 缺 壞所謂詩亡然後春秋作引此以證雅樂誤矣删詩為 而去之以從簡約示久遠斯得聖人刪詩之意矣 疑則疑者十九信者什一決無此理惟朱子有言去 ī 明文段集 ł 刊]

欽定四庫全書 掌矣夫德教不脩政刑不立賢才不用百職不舉則誠 談思恐其為萬世生民之害也蓋其以辭章記誦考索 教以化成天下舉賢立政以分治庶事將使朝廷既正 為業無聖王經濟之學而欲以事之成敗計量於俗吏 之手王政何時而可行乎殊不知聖王之與必脩德立 如所論也三子之論都陋無本恐其說流傳為後世害 百官莫不正百官既正萬民莫不正分田制井若指 不得不辯 卷二 「 こうし 能神宗以功利而不能 知春秋雖非湯武亦隣於湯武者矣尚能真知春秋則 以法三代之治先儒疑之以為德非湯武則無本矣虽 程子春秋傳序日後王能知春秋之義雖非禹湯尚可 神宗欲假周制而行實非所能也然王莽以亂賊而不 理明義精經世之大法在我復三代不難非如王荐宋 秋難知雖游夏之賢尚不能與惟顏子乃嘗聞之故能 可以法三代之治乎愚意程子之意主春秋而言夫春 \...i 明文改集 1

多定四犀生書 問正月之說胡氏以為周錐以子月為歲首仍稱十 故書齊侯以見其尊列國書人以見其衆以為與齊桓 發禁齊桓之與假仁義以圖霸業以平宋亂為義為會 北杏之會世道之大變周王不能號令中國以時會而 而書其爵誤矣 杏四國翕然宗之自古以來諸侯主會盟桓公創之 月信乎曰朱子嘗辯之矣今按周禮言正歲正月則 春秋辯疑 終: 二:

自古傳春秋者惟程傳義理最精蓋其學得孔孟之道 義理處多穿鑿如說元即仁也仁人心 也體 元者人 主之職調元者宰相之事言雖英發終非聖人書元 發越初學者多喜之然其大意只是宗程子其自說 言為厚簡約非深於玩味不能識胡文定才高議論 自然與聖人神會心契故說得聖人行事出來但其 年之本意亦非易之本意故不敢載其說無不覆載 是分明改月矣 別之改集

銀定匹庫全書 唐虞公天下而與賢三代家天下而與子若曰王者以 問伐凡伯胡氏引周禮關尹候人等事不敢何也日此 是敵國來朝時於我者非過客也 晚用即體之所發豈有體是一般用是一般殊不知 者王德之體內中國而外四夷王道之用亦說不分 之也體也是如此用也是如此 天下為一家而不私於一已即一視同仁者也若以 理而分殊分辯內外使之各安其所即所以覆載 卷:

てこうえ こう 或問膝子来朝不從胡傅何也曰朝弑君之賊不待貶 其至只看道理合如何曷當更問天與不與耶 物乃伯者功利之心曽謂聖人有是心乎孟子言天 為私家之家則大害義理帝王無二道豈有堯舜公 贬也惟程傳義理極精妙隨事證極詳故兼取其說 與賢則與賢天與子則與子此猶答萬車之問若論 天下而禹湯文武不公天下乎首以天下為吾家私 而罪自見朝桓之罪止在其身不當至其子孫亦受 明之改集

金万四月全書 春秋因亂世之事存致治之法是於不善中發明至善 朱子謂繼故不行即位之禮故不書桓宣自正其即位 春秋無非明天理正人心 書公書侯乃獨責不能自存之小國乎程子曰春秋 也朱子曰當時大國廢典禮務吞噬其罪甚於滕乃 之理 經世之大法一言而蔽之矣 之禮故書此說最是盖繼故急逐倉卒其禮首簡可

た三月屋なら 春秋大義數十炳如日星是程子自見得 天下之事只有一箇是與非邪與正公與私善與惡利 世之事正其非而是即存辯其邪而事自正誅其惡 知篡弑之人特行此禮以壓服國人而定其位此姦 亂而為治也 與義天理人欲所由分治亂存亡所由定春秋因當 而善自明絕其利而義自見所以存天理於既滅撥 邪之思禮篡立之權謀也 胡文敬集 Ŧ,

春秋是聖人撥亂反正之書經世之大法存焉 程傳雖簡春秋精義與旨發明已盡胡傳雖詳終到不 金分四五年 或問春秋書名書字果聖人用此以褒貶乎曰春秋 天理人欲莫辯於春秋聖筆如化工據事直書而是非 得程傅 假他求也 善惡纖芥英遺學者深察明辯則克已復禮之功不 大抵多是因舊史如舊史書名何處更去討一箇字 卷二 一書

或問胡氏公天下家天下之說議論最高何以不取日 書日舊史無日亦無尋日處書爵與不書爵必有深 之乃私家之家豈禹湯文武之心哉蓋父子一體父 最害義理禮運乃漢儒附會不足據若曰以天下為 胡氏本禮運大道行而公天下大道隱而家天下此 意 來書如舊史有字無名亦無尋他名處又如書日不 家固當與賢若曰以天下為吾家之物而欲世有

文之口巨心的

胡文敬集

問天王使宰渠伯糾家父聘桓公胡氏以為貶糾於前 家父無責見春秋青宰相之意何以不取曰胡氏以 定才高志大禮運之言誇張故喜之而不察其害理 有天下傳之子乃天下之常經即後天卦以震代乾 名與字論褒貶故有此論殊不知春秋因舊史而作 之義堯舜是他子不肖不可居天下故擇舜禹而授 之是處乎權三代之時大道正行何以謂之隱乎文

白女口匠心情

久巴田声人 正趨向以立其志 官固己責其失職比事以觀桓公斌立未嘗朝時於 發揮先儒以為胡氏雖穿鑿以義理穿鑿故可觀 聖筆如化工人之是非善惡自不能過胡氏才大能 王王屢遣使聘之則周之君臣皆失道固不待貶盖 舊史無家父之名教聖人如何書春秋不書家父之 雅着 續白鹿洞學規 ** 胡文敬集

金罗口用台書 德依於仁游於藝 事學於古訓乃有複事不師古以克永世匪說攸聞 我哉 也吾何畏彼哉 公明儀曰文王我師也周公豈欺 為人 書曰惟狂克念作聖惟聖問念作狂人求多聞時惟建 何人也有為者亦若是 成瞯曰彼丈夫也我丈夫 孔子口吾十有五而志於學 子以四教文行忠信 孟子道性善言必稱堯舜 12 子曰古之學者為已今之學者 顏子日舜何人也予 子曰志於道據於 又曰人皆可以

貳過志伊尹之所志學顏湖之所學過則聖及則賢 五六遂厭科舉之學慨然有求道之志 程子曰天下第一等事不可讓與別人做程子自十 藴之為德行行之為事業彼以文辭而已者陋矣 希天賢希聖士希賢伊尹旗淵大賢也伊尹恥其君 不及則亦不失於令名 聖人之道入乎耳存乎心 為堯舜 不為堯舜一夫不得其所若趋于市顏淵不遷怒不 孟子曰乃所願則學孔子也 周子曰聖 古人惟務

たいりもんた

胡文敬集

厾

横果張子語學者曰孰能少置意科舉相從入堯舜 質學者必如聖人而後已 尹氏曰吾學聖人者也 聖人所言吾當言之聖人所行吾當行之故力排異 脩德而已有德者必有言韓退之因學為文而求其 之域關中學者翕然從之多告以知禮成性變化氣 為志 吕氏稱程子寧學聖人而未至不欲一善成 所至是倒學了 言學便以道為志言人便以聖人 横渠先生曰二程自十四五脱然便學聖人

金丘四犀生書

y

卷二

シーラー ニュ 端以扶正道 者力立志不定終不濟事 為聖人 為學先須立志志既立然後學問可次第 聖明日問念即為狂矣 古之學者始乎為士終乎 要為聖人須竦拔後方始有進 今日克念即可為 日為學須思所以超凡入聖如昨日為鄉人今日便 之事向善背惡去彼取此此幼學所當先也 朱子 品之上下何者是聖賢所為之事何者是下愚所為 Ą 陳忠肅公曰幼學之士先要分別人 明文放集 世之志利欲者與志理

義者自不干事志利欲便是趙禽獸之徑志理義便 章以釣聲名取利禄而已也 義理以修身然後推以及人非徒欲其務記覽為詞 志志道則心存於正而無他 聖人教人無非講明 去講義理只去學詩文已落第二等 學其先於立 是正路鄉里 日學者當以立志為先不為異端或不為文采脏不 人棄了都不理會浮生浪死甚可惜 惠於科學自幼便見得輕 卷二 此道理與生俱生今 南軒張先生 今人不

銀灰四庫全書

..... J. J. 高者則馳為於空無玄妙之域明敏者類以該博為 以為聖人之道高遠難至非後學之所敢及殊不知 於已可以成善治美風俗與教化三代可復也或者 尚科名為心又其下者不過終於詩句浮詞以媚世 取容而已未嘗知有聖賢之學也夫聖賢之學得之 愚謂聖人設教無非因人固有之理而品節之使由 是而學焉則德無不明身無不脩矣今之學者有氣 為功利汨庶幾可以言讀書矣 月之政集 Z

剑定四库全書 自灑掃應對事親接物之間推而至於仁民愛物無 尚不利行耳殊不知日用之間無非此道之流行近 艱難阻絕之域哉又有以為道學固美但非世俗所 者誠能存養省察使本心常明物欲不行則天性 所用而不周無所施而不利特由教養無方人自不 全聖人可學而至矣聖人豈隱其易者及使人由於 有生之類其性本同但聖人不為物欲所昏耳今學 祭耳居仁不揆愚陋竊有志於斯馬於是不敢自私將 . 自

.... 主誠故以存其心 邪存其誠 處恭執事敬與人忠雖之夷狄不可棄也 易曰忠信所以進德也脩辭立誠所以居業也 見大賓使民如承大祭 必先開發此志然後進於有為也至於用力之方條 欲與有志之士講明而踐行之故為此規以告同類 列於左云 孔子曰主忠信 月文段集 曲禮曰母不故儀若思 言忠信行為数 出門如 閑 居

多定匹庫全書 敬者滅 身來自能尋向上去下學而上達也 古之人耳之 賢千言萬語只是欲人將已放之心約之使反復入 放心而已矣 静頭容直氣容肅立容德色容莊 定辭安民哉 足容重手容恭目容端口容止聲容 於樂日之於禮左右起居盤孟几杖有銘有戒動息 莊敬日強安肆日偷 孟子曰仁人心也 程子曰若不能酒養只是說話 丹書曰故勝怠者吉怠勝 學問之道無他求其 坐如尸立如齊 聖

ころし ここ 當裁培深厚涌泳於其間然後可以自得但急迫求 做下語聖人元無二語 學者當守此心不可急迫 皆有所養今皆廢壞獨有理義之養心耳但此酒養 四面空疎盗故易入無緣作得主蓋中有主則外患 **未逐得西面一人又至矣左右前後驅逐不服蓋其** 多不能驅除程子口此正如破屋禦冠東面一人來 久自熟矣敬以直內是酒養意 呂與叔患思慮之 不能入自然無事 州之段集 居處恭執事敬與人忠是做上

金好四庫全書 其氣象便須心廣體胖動容周旋自然中禮唯慎獨 定視心如冠磐而不可制不是事累心乃是心累事 之只是私已終不足以達道 思無邪母不故此二 便是守之之法君子脩已以敬以安百姓篤恭而天 句循而行之安得有差有差者皆由不敬不正也 入道莫如敬未有致知而不在敬者 下平惟上下一於恭敬則天地自位萬物自育氣無 孔子言仁只說出門如見大買使民如承大祭看 **X** 表: 今人心主 不

物予 商量開邪則誠自存不是外面提一箇誠將來存者 静此則天下之公病學者只要立箇心此上頭儘有 由此出以此 祀天饗帝 人道唯在忠信不誠無物 不和四靈何有不至此體信達順之道聰明唇智皆 且出入無時莫知其鄉者人心也首無忠信這復有 此则豈有入善之理故孟子言性善皆由内出只為 今人外面役役為不善於不善中尋箇善來存著如 心要在腔子裏 月之徒集 學者思思應紛亂不能寧

嚴肅則心便一一則自無虚僻之干此意但酒養久 意直内是本 有以一為難見不可下工夫如何一 存此則自然天理明學者須是將敬以真內酒養此 自然生散敬只是主一也主 誠便存開邪更著甚工夫但惟是動容貌整思處則 西如是則只是中既不之此又不之彼如是只是內 則天理自 纵 明 閉 邪 詉 則固一矣主一 卷: 則自 虚 則 静但不可把虚静喚 既不之東又不之 刖 者無他只整齊 不消言開 那

欽定四庫全書

謂外和不能入無主則實實謂物來奪之大凡人心 尚無思慮紛擾之患况主於敬又焉有此患乎所謂 不可二用用於一事則他事更不能入矣事為之主 **慮則是絕 聖棄智有欲屏去思慮患其紛亂則是坐** 免此惟是心有主如何為主敬而已矣有主則虚虚 禪入定如明鑑在此萬物畢照是鑑之常難為使之 不照人心不能不交感 萬物難為使之不思應若欲 學者先務固在心志然有調欲屏去聞見知 羽文改集

多定匹庫全書 此入 對進退之節與大六藝之教為大學者不由乎此亦 故主一之謂故所謂一無適之謂一旦欲酒泳主一 無以開發聰明進德脩業而致予明德新民之功也 屋漏皆是故之事 小學者不由乎此固無以酒養本原而謹乎灑掃應 之義不一則二三矣至於不敢欺不敢慢尚不愧於 聖賢之學徹頭做尾只是一故字致知不以故則 朱子日敬者聖學所以成始而成終者也為 嚴威嚴恪非敬之事但致故自

肆無以致義理之實 昏惑紛擾無以察義理之歸躬行不以故則怠情放 方升則羣邪自息 持其志則氣自清明 上徹下工夫雖做到聖賢田地也放下追敬不得 曰看來小學却未當得敬敬已自包得小學故是徹 時間外面整肅便一時醒一時放寬了便昏怠 敬者一心之主宰萬事之本根古人於小學中 幾主一便覺意思卓然精明 或問数字當不得小學朱子 學者當提醒此心使如日之

大江日日 1

胡文敬集

买

為不敬 者子孰有贵於此者乎然放而不存日以昏昧至大 所以主乎吾之一身宰制天下之事者就有大於此 愚聞人之一心 萬理咸備盖其虚靈之體得之於天 呼幾希君子存誠克念克敬天君泰然百體從令 西山真先生日敬則萬善俱立急則萬善俱廢 之功却當以敬為本 已自把捉成了故於大學無所不可今人既無小學 1.11 范氏曰一心之微 衆欲攻之其所存者鳴 安誕欺詐為不誠怠惰放肆

Call and Anti-庶乎可以體驗而有得馬恩以為今之學者但當盡 所能形容是以類集聖賢所言誠故之道共為一篇 謂誠主一無適之謂敬二者既立則天理安有不明 以放者由於物欲牵引舊習纏繞故雜慮紛紅不能 全體即此而存外都客處無自入矣蓋真實無安之 休息而無時在腔子之內也唯能主乎誠敬則本心 至貴之物反流於卑污的賤之域而不自知矣然所 八欲何從而生哉但其功夫效驗周遍精切非一言 胡文牧集 堂

博窮事理以盡致知之方 金牙四月全書 有一理須是窮致其理窮理亦多端或讀書講明道 程子曰涌養須用敬進學則在致知 是以窮理脩身由是以齊家治國亦何所不可何所 之情弛則所謂真實無安主一無適者自可至矣由 義或論古今人物別其是非或 應接事物處其當否 不能哉程子所謂聰明睿智皆由此出信不欺我矣 已之心母使有一毫之虚安齊莊嚴肅母使有一毫 装二 凡有一物必

是窮得一 隨人淺深譬如千與萬徑皆可以適國但得一道 哈窮理也 類推至於言孝則當求其所以為孝者如何若一 格物非欲盡窮天下之物但於一物窮盡其他可以 上窮不得且別窮一事或先其易者或先其難者各 之中以至萬事萬物之理會得多自豁然有覺處 可以通其餘矣萬物各具一理萬理共出一 ,理便到只要猜累多後自然見去自一身 Į 窮理非道窮盡天下萬物之理又非道 月文改業 事 原 而

金足四年全書 木亦皆有理不可不察 先求之四端可乎曰求之性情固切於自然一草 在如父止於慈子止於孝之類若不務此而欲泛然 見物而反求諸已乎程子曰不必然也物我一理 此所以可推而無不通也 或問觀物察已者豈因 語其小至一物之所以然皆學者所宜致思也然則 明彼即晚此此合内外之道也語其大天地之高厚 觀萬物之理吾恐其如大軍之游騎出太遠而無 致知之要當知至善之所 綅

. J. I - ... J. J. .. 或察之念慮之做或求之文字之中 或索之講論之 所歸也 際使於身心性情之德人倫日用之常以至天地鬼 事如此既久積累之多胸中自當有洒然處 朱子 李先生曰凡遇一事即當且就此事反復推尋以究 神之變鳥獸草水之宜自其一物之中其不有以見 其理待此一事融釋脱落然後循序少進而別窮一 曰讀書是格物一事 格物英岩察之於身其得之尤切 1 用之故来 致知之方或考之事為之者

銀定四庫全書 其所當然而不容已與其所以然而不可易者必其 則 矣 心之為物實主於身其體則有仁義禮智之性其用 通馬則於天下之物皆有以究其義理精微之所 表裏精粗無不盡其類以通之至於一日脱然而貫 各有攸主而不可亂也次而及於身之所具則有 而吾聰明春知亦皆有以究其心之本體而無不盡 有惻隱羞惡恭敬是非之情渾然在中隨感而應 盈天地之間皆物也以其至切而近者言之則 FLA 極

ファラー こう 心正而身脩天下國家可得而治矣但其用力之方 無不盡則本心洞然萬變畢照由此而之馬則意誠 愚謂大學之教以致知為先益能推致吾之知識使 極其大則天地之運古今之變不能外也盡於小則 容已所謂理也外而至於人則人之理不異於人也 父子夫婦長幼朋友之常是皆必有當然之則自不 鼻耳目四肢之用又次而及於身之所接則有君臣 塵之做一息之頃不能遺也 明文故集

以得致知之大端矣更於日用之間窮其何為是何 尚望其能成已成物而無誤乎然亦無以他求為也 遇事變亦茫然不知理之所在顛倒錯繆殆有甚馬 謂歌物丧志之學徒敝精神於身心無纖毫之益其 於言語訓詁之未則講說雖勤文辭雖麗乃程子所 則在於即物推求以完其理方為的實若泛然從事 今學者誠能讀聖賢之書及復尋究以求其理亦可 為非事事求其至善物物尋其當然則致知之功莫

銀好四扇全書

とこうし ここ 審察幾微以為應事之要 甩乎 易曰幾者動之微吉凶之先見者也 間便有善惡正學者用心理會 切於此如此既久則知盆明理益精矣 不疾無惡於志君子之所不可及者其惟人之所不 詩曰潛雖伏矣亦孔之的 周子曰誠無為幾善惡 朱子曰欲動未動之 子思曰英見乎隱莫顯乎做故君子慎其獨 7 明文敬集 中庸曰故君子內省 天理人欲幾微之 知幾其神乎

我反匹居在重 性分之内也若厭其煩擾欲絕而去之則陷於老佛 流於儀養商樂智謀之末為小人之歸矣然事物之 之空寂若不察其理之當然以機變為足以應事則 不與物接故不能無事然所以為事之理固己具於 愚謂人生日用之間起居動息以至設施措置不能 間 便存其善去其惡可也 幾微之間善者便是天理 惡者便是人欲緩覺如 天理人欲之分只争些子故周子只管說幾字 4 卷二

スペラー しに 克治力行以盡成已之道 前動之際謹察精辨孰為天理孰為人欲使善惡是 欲之私雖或悔悟亦無及矣故必於事物初接本心 非公私義利判然於前然後從其善而去其惡如此 間 不息 易曰君子終日乾乾夕惕若 既久則義理益精自無過與不及之差矣 雖日無非天理所在苟失於省察則不覺陷於人 書曰直而溫寬而栗剛而無虐簡而無傲 7 钼文驳集 天行健君子以自 至 強

多定四年全書 是天理者便克將去行之久則善與自家為一為一 少践履時多事事都要人自去理會 子日窮理以致其知反躬以践其實 年做得甚工夫對曰只去箇矜字 顏淵問克已復禮之日子曰非禮勿視非禮勿聽非 不作其樂可知有息則餒矣伊川問謝顯道相別半 不善則速改以從善而已 勿言非禮勿動 发二. 程子口學問之道無他也知其 人能克已則仰不愧俯 繑 凡是私已不 輕警情 此 間講説時 朱

シートー シュー 氣質有偏物欲有酸故必克治其氣質之偏物欲之 聖人之理也今所以不能如聖人之從容中道者是 非人力之所為也雖聖人不過盡為人之理而已孟 恩聞人之有生便有所以為人之理是皆天之所賦 行當反而求盡其道 则得之在我未能行则善自善我自我 子所謂践形是也非聖人於此身之外別有所以為 不能行只是在我之道理有未盡耳不當咎其不可 J 明文技集 人於道理

我定匹库全書 推己及物以廣成物之功 同志 成乎已也首或知而不行則前所窮之理無所安頓 徒費講學之功無以為已有豈不重可惜乎今學於 蔽使所行無過不及之差然後可以盡此身之理以 随其力行之方 聖賢方冊已詳姑舉大端於此以示 愚聞子朱子曰天之明命有生之所同得非有我之 此者務必實體此理而力行以終之以脱乎俗學之 卷, 火江日東人 得私也是以君子之心廓然大公其視天下無一物 顧乃背其名教偏狹淺陋成一已之功名的一家之 澤一物不得其所哉此儒者之學必至於參天地對 或勢在匹夫之賤所以堯舜其君堯舜其民者未當 化育然後為功用之全也聖賢開示後學深切如此 棋廣大私各之心自消推而行之豈有一民 不被其 不在吾之分內也竊謂學者須要有如此心胸則規 而非吾心之所當愛無一事而非吾職之所當為雖 胡文敬集

精思明辨反之於身而力行之又於日用之間凡一事 必用功於此虚心一意絕其雜慮而於聖賢之書熟讀 古之學者必以脩身為本脩身之道必以窮理為先理 明身脩則推之天下國家無不順治今諸君在洞者務 富貴使明德新民之大道正君善俗之太業不行於 之治 世嗚呼惜哉有志之士尚當勉力於此以進復先王 白鹿洞講義

金少四屋台電

とこうしこい 昔日之道不惟能盡乎吾身所賦之理而於國家崇建 之不可學哉諸君其勉之務使今日白鹿洞即昔日之 白鹿洞今日之學即文公昔日之學今日之道即文公 性同乎異乎今人之心與古人之心同乎異乎苟異矣 不敢強諸君若吾之心吾之性不異於古人又何古人 何古人之不可學哉且諸君以為今人之性與古人 而於酧應之際以天下之理處天下之事必沛然矣又 物必精察其理一動一静必實践其跡則所學在我 **洞文改集** E

或異而賢愚以分此聖人脩道之教所以不能無也夫 多好四库全書 自唐虞三代之盛人君躬行仁義以為教化之本建立 人文之盛典諸名公作與之威意庶不員焉諸君勉之 不肖之患及周之衰教化不明乎上士無學於下 人受天地之中以生莫不全具仁義中正之德但氣質 校以廣教之之道故人皆得以明其善復其性無愚 麗澤堂學約并序 T,

欠己り上 八十五 質魯又相去之遠不複常相親民恐離羣獨學終無以 也方今海内之士學明德尊足為師表者康齊先生一 遠紹洙四之盛今企仰於數百年之後恨不生於其時 無窮矣漢魏以下諸儒之學雖有未純而其用力之勤 或幾乎炮矣吾夫子以聖德無位與顏曾之徒講道沫 亦各有以成其一家之學至宋則真儒迭出道學益明 泗是以君上之教雖已不興而師友之傳道學之緒垂 而已愚往復從游數載彷佛有以得其依歸但志卓 胡文敬集 至

成德也於是乃與同志其等構為麗澤堂相與肆業其 年父口匠 條約明示于後 凡學於此者謹德行明義理持其志敏其力期底於成 功庶乎麗澤之益為無窮矣成其美者地主某馬所立 中蓋本易之大泉曰麗澤兌君子以朋友講習之義也 凡入麗澤堂者一以聖賢之學為宗削去世俗浮華 之習尚節行惇信義母習虚誕之文以干利禄母作 草率之詩以取時寵各立日録簿一 一册逐

大きり長へいる 凡學以德行為先才能次之詩文末馬 學中規矩一依白鹿洞及程端蒙西山真先生為準 躐等雖多無益 請書務在循序漸進一書已熟方讀一書母得國幹 讀書務以小學為先次四書以及六經與問程張朱 追書於總籍以盡該被激勵漸磨成就之道 習之業所行之事朔望鳴鼓升衆會于堂上稽其所 司馬邱之書非理之書不得安讀 明文段集

卒業太學成化丙戌授監察御史巡按遼東入掌貴州 春秋弱冠游邑庠聲聞達於鄰郡景泰癸酉登鄉貢第 金为四屋有量 仲遠姓姚薛明廣信貴溪東衛人早孤幼類敏學胡氏 一凡學者行事皆於麗澤堂禀於師友會衆裁度其必 澤削去其名 害義者衆規之三不俊者責之不率者絕之仍於麗 合義然後許之如有立志不堅汨於利誘以致違理 姚仲遠傅

次記四年全馬 銀米貴則給米於官無損軍士受惠實多以禄不建養 總甘肅督軍夏糧儲舊例銀米同給仲遠視銀貴則給 裁抑之及任陝西按察愈事其為政臨民一如巡按時 侍督織者怙勢作威有司供解歲用銀千餘两仲遠竟 於斷事推抑權豪於除光猾辨釋冤枉革勵貪污奏舉 湖廣山東等道事復巡按南直隸浙江仲遠性剛直果 孤貧屬縣疫癘則齊戒罪已禱神以祈免民灾時有內 厭吏及天早則為民禱雨至郡縣必臨養濟院以存恤 胡文敬集

之下哉是宜書而傳之使公之風節凛凛在天地間而 於天廉介之操著於世周則濟濟多士漢則豈在廉吏 清正剛直之禀者常少偏濁者常多仲遠剛正之氣得 錯綜而人物生焉以氣之參差不齊故所賦之質得其 蕭然若一寒士則尤可見貞廉之實夫二氣五行交運 廉潔至於不食娼魚言質鬼神歷官之久而所居環堵 有容溪集其言慷慨有氣節如其為人嗚呼仲遠剛介 朝沸泣思親每遇忌日必 疏素歲時必致祭享才善吟 大三日東人は 世有稱孟書君田文能好客士歸之者三千愚以為齊 盗古之賢者輔其主如此予其獨如此其主亦可知矣 秦又不能正其詞說陳大義以解其難顧乃為難鳴狗 國三千之客尚得其人必能務引其君當道志仁則天 貪夫願懦夫立則此傳不虛作矣 預燭泰昭之姦力止其君母使陷於虎狼之口及拘 下之民皆將歸之雖欲無王可得乎既不能然又不能 跋孟嘗君傅 胡文敬集 竞

健日雖隨之偕行及遠地一週則天每過之日每不及 金女口屋 白電 周天為三百六十五度四分度之一也天何害有度人 積至三百六十五日 零四分日之一過不及處始一週 天與原處恰好相值遂分每日所行不齊處為一度故 天與日所行遲速而分也蓋天左旋日月皆左旋天行 何害量度之乎後世歷家以日月右行以日行一晝夜 何以周天為三百六十五度四分度之一也曰此以 理歷法

然以天為主則一日未滿而一周也以月而言則 問日適遠地一週天過一度月不及何也日此以日 不及也以其陰之縮比天日為少緩也日非正得其中 有奇而一周也天非過也以其行之健陽之盈也月非 一而言也 天何嘗有過月何嘗有不及各循其性之 **墾濶狹為一度誤矣右周** 乃陽之精明之主以其所行之出入而分晝夜也故 . 日而論為得中比天行為少遲比月行為速也方 月に支具 自 為 A

欽定四庫全書 以齊其不齊者哉故先將日月所差十二度布之於算 **废之一則分數不齊何以合天日月之數以致閏成歲** 於日十二度十九分度之七既有十九分度之七四分 問日法必以九百四十分何也曰此原於周天之庭與 度四分度之一月行縮於天十三度十九分度之七縮 行遲速 日月所 天日月所行遲速之不齊而置也蓋天度三百六十五 以加九法算之每度加作十九分得二百二十八分

也 法 四十分此則因四分度之一及四分日之一 **度之七而置此算也再以算法四因而四倍之得九** 再以无七分凑之則得二百三十五分此則因十九 大小之月氣盈朔虛而生閏以閏月定二十四氣以 必如此然後十二度十九分度之七及四分度之 四氣定四時成歲無不船合無過與不及之差矣 始相合而齊用此 而推周天之度則日月之相 . 而置此算 百 會 分 日右

一级定四庫全書 相 序也以天日所差為一度積三百六十五日九百四十 陰陽寒暑節候之往復以驗天運之一周而天與日亦 問以三百六十五日四分日之一為一歲何也曰此以 分日之二百三十五天之速於日者恰值一周天故曰 會也盖陰陽寒暑之循環者氣運之常故易曰寒暑 與日會豈真有所會哉曰天日所會如此何以知其 推而歲成焉然必有其序而不亂不驟故曰歲歲者 歲也曰古者以黄鍾律之管埋於地中置葭灰於 お前年 とこつにないとう 明 尤明顯易見法歲 管以候陽氣之復生蓋陽氣之生從下而上氣至則地 問以三十日為一月或二十九日為一月何也曰此以 中之管灰先動因此而知陽氣之復故以為一歲周人 分度之一月之所行每一日不及日十二度零十九分 日月所會而推月之大小也蓋周天三百六十五度四 **废之七積二十九日九百四十分日之四百九十九日** 以十一月為歲首即此意也以梧葉候秋黃葉候朔望 胡文敬集 至

相會於三十日之中則其月大為三十日相會於二十 之所過月之不及恰當一周天日月相會而為晦日月 四因倍之得二萬七千七百五十九分四倍者以合四 分度之數也然後以日法九百四十分以九四歸除 三十九分七釐半加九者以合十九分度之數也又以 度四分度之一布之於算以加九法算之得六千九 九日之内則其月小為二十九日每一 天月少周一天日何以知之曰先将周天三百六十五 月則日多周 百

灯四月全書

卷二

とこうう ノニー 也日日月之會在二十九日九百四十分日之四百九 得日二十九餘四百九十九分也曰何以知月之大小 ٠١. 十九以三十日為率則欠四百四十一以 欠数消之則 甲日此月以四百四十一消之不出於甲日則此月有 两月消至八百八十二近有一日矣如前月日月會於 一十為大如前月日月會於甲日此月以四百四 消之退至癸日則無三十而為小 胡文敬集 空 月月大相

時積四時而成一歲是每歲四時一十二月二十四氣 問每日十二時一百刻如何第日每日十二時一百刻 日二十一刻八分七釐五毫两氣為一月積三月為一 五日零二十五刻布算以二四歸除之每一氣該十五 問二十四氣四時十二月如何分曰以一歲三百六十 二十五刻方時 每時八刻三分三釐三毫每三時各八刻共加一刻成 右時月

金方四月全書

則置閏月右閏 虚四百四十二分則盈縮之間該八百八十二分二釐 焉以三十日為率每月氣盈四百四十一分二釐半朔 溢乎三十日之外者為氣盈以日月之會為一月縮乎 愈盈縮者愈縮盈縮之數恰當一月 朔望之數則置閏 , . . . L 半以盈虛之數挨至三十二箇半月有餘其月無中氣 三十日之内者為朔虛合氣盈朔虛而閏生焉蓋盈者 問閏法如何曰先儒言之詳矣其法以二氣為一月則 月文改集 なる

金定四库全書 其所行而反推之故理與數離而為二此不可不知也 有奇其實皆隨天而左行也歷家不識天行之健反以 儒家顺其所行而正推之故理與数合而為一歷家逆 問儒家以日月左旋歷家以日月右旋其不同何也曰 日為右行一日止行一度夫日為陽之精明之主一 天與日俱陽也天體健而行最速日行雖速而天常過 度也月陰也其行不及日在天則一日不及十三度 周日出地上則明而為畫日入地下則暗而為 卷二 Ð

周天豈非日行速月行緩乎但歷家以天體不動日 日十三倍決無此理以顯然之象觀之日月東升西沈 五星連算則其數簡易易推故也右日 每月日週天三十次月止二十九次是每月日多一次 速陰緩若曰日行一度月行十三度有奇則月行速於 分度之一而 無餘欠明 奂豈有一歲才得問天之理陽 一) し ここう 一畫一夜逸地一周而周乎天之三百六十五度四 胡文敬集 月 至 月

胡文敬集卷二					動定四庫全書
煮 二					**
			-		

脩之多士遠自笈而執經院藏脩之有此期學力而日 雲山青青澗泉冷冷考樂之所碩人之情賴陳君之好 **義日創始以經營與吾心之有合來此以洛其成喜進** 欽定四庫全書 賦 胡文敬集卷三 碧拳書院賦 Į 明文技集 明 胡居仁 拱

多定四母全書 立志母輕主敬存其心兮曰虚與靈窮理致其知兮曰 增既吾德之疎薄憂聖道以難明嘆真儒之去遠懼 詳以精反躬践其實分曰寫志以誠德業致其盛分庶 白變而紅春氣融融天地致位而易行乎其中賴我王 不虛此生此 峰增其輝兮得人而名 好學明此理之無窮信天人之 而日興訓註繁而理林孰能免乎冥行嗟吾同類分 瑞梅賦為淮王題 卷三 體實氣脉之流通 功

7.17.2 Like 釋子不識吾儒趣山言二教元無異道一緣何教有三 廬山奇秀甲天下我今來作廬山遊卧龍菴裏駐孤蹟 之風 嘉氣溢乎吾躬斯物瑞所以應乎外遠仰乎闢睢麟趾 前賢遺教空追求奉頭瀑布寫飛練澗裏寒潭六月秋 歌 知脩德之要當致乎慎獨之功善乎心廣而體胖使 遊卧龍卷 明文收集

頏 青霄裡奉頭高風滿頂來奉腰謁藹白雲起縱目長天 多好四月白書 庸首謹獨屋漏無愧慝集義孟子賢浩然氣充塞降自 何獨儒家能治世長吟抱膝南陽廬此時未展胸中 三駕不顧龍不起山河宰割誰能爲近瞻五老峯壁立 淵剛耳明已私方可克曾氏極弘毅戰兢終易箦中 詩 盡頭浩歌一吐 英雄氣 希賢吟 奇

欲賊使我皆丈夫到頭奚可擇 猛日不息逸駕雖難攀驅馳緊鞭策鵬鴞不易並數飛 萬世立人極我生今何遲人亡世已隔因言求其心 純的然萬世則晦黃集其全精微盡剖析窮理務反躬 義功外方并內直致知務窮理為我開闢閱踐履極其 無停翼敬義兩夾持知行互相益擴此天理公去彼人 漢唐下誰能踐斯域河洛程氏與與開千載感大哉敬 遊遍拳 月之徒其 勇

誠茫茫我從同類士行行入其鄉目遍心多感理趣 成閱闢乃其常穹隆須有際磅磚非無疆清泉流碧澗 多定四库全書 且長物物有太極此說非荒唐 我來遊龜拳此然在青蒼欲窮此理妙應難盡其詳太 具柔與剛石乃剛之質壁立千仞強人皆覽形色此處 極本無極動静生陰陽陰陽有變合五行自相當造化自此 奇石何高昂水得陰之盛周流無定方土本得冲氣體 僧稽拜禹廟 卷: 深

稽屬南巡後此數千載祀事舊益新比來得瞻仰遂兹 氏代天心獨勤四海既為壑平土皆吾民六府與三事 所歸襄陵勢逆奔鎮居本無所民咨何日伸昔我夏后 妙合凝至靈斯在人三才從此備中處乾與坤水未得 秉暴真欲勤希聖功富尋入聖門人心與道心全具於 两儀木肇判此理已具存動静機一施陰陽白此分 功俱紅陳仰惟多赞功萬世人所尊封山作州鎮會 有定位陰陽互為根二者既交錯五行斯綱縕理 魚 两

欽定四庫全書 我亦肯為孤野人 物我難容一髮私追論誰是與誰非人心固是參天地 文紹蹟俟來哲此道母昏昏 吾身大哉精一傳無問思彌敦執中此其道致用敷人 百計勞勞只自卑 祭禮吾山水勝清 坐期與古人偷人言此地誠孤野 禮吾書院 静中感懷

英將過苦敗身驅聖經浩博有餘味人事紛紅無盡期 嬴却當年陶處士蕭然一枕卧皇義 戊對春和看物生 不是區區功與利亦非窈窈與冥真荒源也有沂泉樂 工夫未至力先疲纔罷吾伊細咏詩暫借餘開養情性 禮吾書院 倦後偶成 春日即事 明义故法

多定匹库全書 喜際龍潭復有人 終宵舉網向溪濱 自古多賢仰魯邦儒風今喜振吾鄉禮吾一 翻作弦歌禮義場 王祥孝感出雙鱗更有姜詩善事親何事今人不如古 仞師門力學真明乎庶物察人倫 芳塘活水今猶昔 奉吳先生二首次于先生韻 夜醫魚奉親 | 段荒閒地

從 投裝野寺愛丝棲翠竹蒼梧趣正宜久坐檐楹師弟子 誰道龍門特白高 四龍岡上記行蹤往復師門九載中每愧光陰虛度也 抱膝茅簷盖世豪管教得志失蕭曹登攀自是男兒志 清風明月更輸誰 頭重擬更加功 同于先生絶句 行至四龍岡絕句 用气气

郵定四庫全書 恭操几杖罷遺編踏遍青山看石泉多士優游酒教雨 日月真腴非外得此心肯為利名牽 **羣黎歌舞樂堯天家家綠樹山到屋處處青苗水滿田** 淡日涼風雨乍収賜金田畔縱遐遊數聲漁笛閒聽龍 意清和泉石幽 贈友人寧壽 陪于先生猪兄戴子静遊石泉 奉和于先生胡

時來林下整衣冠 勞勞曾可似開開日月携書到處看好是薰風愜人意 愚蒙空數歲華深 後生誠可畏積學實難量養正功宜豫家庭篤義方 7 年勤苦讀書心緑樹陰中認故岑成已功難增永嘆 悼農 看東山書屋舊趾 又讀書林閒 明文徒集

郵定四库全書 寂寞虚堂東琴書其晏然饑炊野田 栗渴飲石谿泉清 淡四簷月氤氲半篆煙聖賢名教外細 虚堂村落襄環堵任蕭然細草連堦石香茶者澗泉 追知稼穑甚艱難 山朝過雨緑樹晚含煙日用無餘事工夫付簡編 四民共處九圍間農父何曾一日閒想彼錦衣并玉食 和 聞居即事 数: 骶杜陵編

漫向幽岩學養真青山緑水隔紅塵雖然仰面貪看鳥 **幽禽碧樹裹何事不予驚孔子不射宿奉奉素服膺** 履心無外豪吟意正酣是非母自質付與世人談 寂寞空山裏堪與即枕食遙憐李學士蹤跡杳難尋 浮雲滿長空間客醉岩中不學丹砂術何勞問葛洪 濃酒三盃後頹然卧石岩清風生野樹緑水滿寒潭素 てこうし ニー 看鳥三首 往山下石岩 醉卧成 詩三首 月之徒集

清風滿樹生恍岩伯牙情雖無鍾子期山岩人 剑定四库全書 也未回頭錯應人 **而然起坐正衣冠** 服黄冠任退休 離此樹覆岩端岩下清泉九夏寒敢效南陽稱 聽松琴 次韻奉于先生 拳数夢周好將仁義作居由他 年慰滿蒼生望 細聽

當空一 欠こりえ ここう 睛光皎潔滿中天蒼松影轉虚窗外丹桂香分丈席前 坐對南薰滿篆香 但喜好懷無所累何妨號賞自年年 柳影槐陰畫景長北窗開客在羲皇素琴一曲知音少 和許郢州中秋號月 和朱子韻 琴後絶句 鑑正團圆萬里青宵散紫煙秋氣清明當永夜 胡文敬集

擬用新功滌舊污 金少口母石言 頻復多由志不強七情勝處失開防身心自覺沈倫久 雨雪滿滿位歲除奉親才暇更觀書明朝又復更年月 羞讀顏淵好學章 昏愚只恐是虚生 聖賢警示意非輕要為斯人正性情三復服膺增悚懼 除夜吟 讀書自感 卷三

たこうなころ 竹戸常局雪滿窗書程日緊用功忙今朝特發山陰與 静中又復得存心 寒窗清告孰能禁為訪梅花踏雪尋讀罷軻書長閉户 歲月虛過更咎誰 慶罷新年一樂餘攜書踏雪到精廬工夫自此宜加 勵 雪中訪友 雪夜偶成 正旦入癬 明文改集

開城匯之 才怪不能精格律倦卧似無聊幸不建心術年寺具南 山間人坐獨窮且室讀書嫌性愚舊記多忘失吟詩告 火何處多笙歌鬧誰室迷子何太數跋報為甚疾却 金页四月五十十 只為金蘭契誼長 養似斗寬亦喜堪容膝讀罷更聞眠養心宜静密燈 路子枉走 閒中寓意 元宵夜吟 卷三

服勢安敢便寧居困厄無端智力疲性外固非心所急 去歲墙傾更絕糧今年淨几與明窗人生苦樂何須計 流水行雲語意長 **外青山拂翠煙野堂人事總蕭然案頭舊典两三帙** 裡新詩四五聯克念不妨能作聖急荒何日可希賢 襄夙有遗經訓何苦名韁萬里牽 勞中迷事 去年此日被風雨倒墙兼絕食 月じ支真

郵定匹庫全書 尚有千秋萬載馨 總總誰無死與生英雄准擬立功名一枝丹桂雖殘燬 信有長江五月秋 新水連将宿雨収泛舟直下錦溪頭好風四至清衣袂 從古宴安如酞毒春水虎尾忽忘危 日間自有義當為自強願法天行健昏妄那堪已性愚 乘舟 輓表兄劉毅

東山不是謝安高 雄文鏖戰氣方豪誰料煙火爐俊髦信道青雲難力致 從來實行難充溢只恐虛名誤此生 風雨篷窗不昧時客中情緒總依依靜思成己功難處 **槐柳陰陰滿户庭畫簾高捲午風輕數篇書卷前賢業** |一曲瑶琴太古情心在静時無雜擾事當幾處最分明 舟中自感 夏日即事 月之次果

多定匹庫全書 生何愁五穀不熟 始知夫子不吾欺 私意幾行行即虧 終日觀書聖賢在目終日言談不及利禄若使荑稗不 整齊嚴肅問明教直內工夫尚有疑入到湛然虛靜處 謝程子 自述 新秋偶成

便是程朱入道門 終日清明方是敬一時雜擾便成昏知行由此作基本 操存腔裏心酬應世間事世人不知此只去學文字 碧拳頭上卧新秋 くこう 古今惟一理賢否自殊科顏子樂無悶吾何悔吝多 丈夫志匪為身謀經綸不展便當収浮雲滿空我不管 自嘆 自嘆以遺人 L 明文於集

到定四庫全書 願得天心回古 意更令斯世紹先王 只來紙上耀三場先生欲掃千年陋後學那能一日忘 這裏路長嫌擔重那邊快捷實崎嶇行人不知者脚處 東跋西跋多受虧 軻沒後道隨亡教化真如一夢長不向心中求六德 **嘆學者** 即事 讀明道伊川學制 兴 卷三 くうし 此等人豈不為至貴彼哉昏迷子何為欲所被 家則家齊在國則國治在學則學明在鄉風俗美竊嘆 興者已亡亡木亡 聞說團湖古戰場宋元此地決興亡謝公忠義的千古 人心無物欲隨處皆天理在山則樂山在水則樂水在 漢無股內萬矣自森然堪喋虛無子懸空學聖賢 存心 圍湖懷古 明文技具

白屋正惭無孺子黃堂宜是少陳蕃莞然上下总其勢 **動灰四庫全書** 以貴下賤大得民 留取高風萬古看 信知大本 元無二活水 源頭見考亭 行已深慚未盡誠墜緒茲茲何日續流風靡靡幾時與 夜雨山窗夢不成細思舊業轉惺惺致知幸免多昏塞 白存 謝本府太守二首 郡搗然周化盛躬言敢獻到黃堂 * □:

此身此理由天付屋漏多惭忝所生今後事天知有道 莫教墙面度平生 聖賢文字傳千載不遇程朱怎奈何刺股懸梁辛苦志 周南治化何其威本在身脩與意誠此是聖賢真事 力開邪妄便存誠 不思心行不忍政 自勉二首 嘆古人讀書二首

欽定四庫全書 其如 題詩本欲資名教宣為區區寄俗情 全體中庸不可能高世好堅徐孺操勞家且學董生 苦殺當年多少人 刺股懸梁枉自勤豈知心在檢其身只因未遇程大子 對遺經翫困亨憂勤重憫四三生 勉學者 送徐生歸 敬得功多 灰 卷三等年 偏廉介非難守

陰陽消長不停機在我何常無定規否極中間存大用 功名不是吾儒事王道根基在自新目下升高當遠步 展卷詳論孔孟心 英教對塔説相輪 避臨已上識先幾堯大因甚怕處盛正叔如何善赦危 放寒 化歲已深為君特賦雪窗吟信知此 道無今古 觀易偶成 贈超元弼 月之次果 t,

銀定四庫全書 **薄德何堪古道看延留連日謝儒官天心若欲興斯道** 欲識工夫真切處 好從博約竭淵才 碧霄峯下構幽齊中寫琴書恆素懷信是心虛酒萬理 幸有羲周精藴在安身不必打乖詩 英嘆人生會晤難 更欣地僻絕纖埃養蕪徑路由斯闢聖學門庭自此 辭謝南康府學官 碧峯書院 刷

謹獨功深切防微意最玄爭交真在此要不愧皇天 敦復真能勝似頻 路達龜拳本不退汎舟反復傍溪涯如何喚盡多勞擾 不道吾心識未真安將指點誤傍人楊然到此方知省 只為源頭一步差 誠意關 偶成 再遊龜峯二首 月文段集

萬理具面方寸內只從此處作經綸要知希聖無他法 汝能耿介全天性竟日凄凉感慨深始識先王真禮意 闡則源洛意徘徊 銀定四庫全書 去盡私心德自然 輕川清致貪看竹湖上林公好咏梅問我寒窗何所事 男兒安敢負斯心 嘆雉死 絕句

ここう と ここう 紺寒清潔古濂溪緬想當年有道居學貫天人純性命 強欲煩君作大夫 香郁溪連庭草翠聖賢高致後人廬 理原大極者圖書光風霽月心無累勝水佳山意有餘 夜風霜萬木枯歲寒惟見老松孤恭皇不識清高操 夏日即事 題濂溪舊隱 明文教集

多玩四库全書 紅塵應不到青山新徒琴書入考樂茅舍竹 禮吾地僻聚儒衣三尺絲桐滿架書細草幽蘭秋徑馥 清風明月夜窗虚固知聖教元無隱惟有人心却是危 漫説伊周治世方 緑樹陰中日正長黑甜人世在羲皇有朋時共談今古 記取當年單食樂殘蟬斜日任悲凄 南谷 秋日書懷 炭: 籬朋處樂

琴堂有榻任高懸 南谷深沈紫霧浮敬意母荒時翼翼善心不昧日休休 心迹高樓結構坐吾人於此足藏脩北山奉律青雲鎖 却笑山人多逸興詩成袖手面層巒 地爐松火静中安數竿瘦竹風初靜滿樹寒梅雪木乾 君今莫道功名事爭似單瓢樂自優 幾年衰病即林泉勢迫形驅苦白憐白屋想應無孺子 李太尹求見自感

欽定四庫全書 始向東風識海棠 春日載陽貧病減掘衣直訪鄭公鄉幾年不帶看花眼 五老本南鹿洞前和風滿袂暮春天道隨日用無他其 卧 那識若翁憂世心 病歸舟越水海谁將風散振當今幼兒只喜歸家好 題風雪在白鹿 贈李大章 沙港舟中 卷三 1

清流畫夜無時息 説向陳公下榻時 漢豎當年不可維先生明智已先知如何不以幾微處 何獨當年點也賢 峽澗頭眠巨石字有枕流留古跡 枕流石 游孺子亭 贈葉太守 在白鹿洞 明文数集 枕千年永不移 Ŧ

金定四庫全書 皤矣廬州公五十後相識晚知道義尊不為功名役梅 南谷庸才甘世棄日羣麋鹿聽樵歌 鳳翔千何網難羅每憐漢士訓詁苦更憫唐人詩句磨 含雪裡各松秀霜前色論學心無窮賦詩情自適我願 公再興作我生民益來歲上京畿親親吾皇極 文風今喜威吾番誰似曾參為已多鶴在九阜聲自聞 復葉懌上舍 贈劉吏部建義莊 **基**

シーシー 蕭瑟西風滿玉灣 終始幽明一理間士林今歎失儒冠午風亭上人千古 致使傅家慶澤長 范氏當年 百年心事總相關仰高峯下水霜肅鄉水溪頭風月閒 人道人生會晤易我道人生會晤難一代人才能有幾 復高都憲 輓李大章 建義莊君家肯與續遗芳信知積善功夫久 明文改集 Í

世 英將道體更他求有形可觀無形妙今日應同昔日游 却念同胞多赤子家書誰與報平安 洞 祖中與訪故人故人重釣此江濱一天明月無瑕翳 得顯微元不問此心此理 前流水洞前流 古清風掃俗塵宜以賓師居保傅 咏 過子凌釣臺 洞前流水 洞裏書生静 Ą 相 裡修信是本原無 酹宁 可 将謀議定君臣 息

動定匹庫全書

7

卷三:

忠誠倍感後人懷 誰為乾坤體此心 扁舟趙拜高臺下樂對先生笑白雲 上高樓話古今四簷凉雨碧雲深世間多少未了事 選暫展扶傾手庸主難終濟世才千載家利壯西淛 謝夏憲副正夫 拜陸宣公祠 松江郡侯諸公 川文 致 集

拉我生民未敢休樂天知命更何憂他年了却公家事 城外青山即岘山 |駒壮不遑王事監野人歸去白雲閒人心萬古同此 動定四庫全書 乾坤容我一人閒 向擬樓山共白 隨所寓貧何害濃酒三杯落日殘牛醒却來橋上坐 别同府于先生 石橋晚坐 頭 理

眼前時景初開泰心裏乾坤總屬仁昨日歡迎滿城市 我願公今事事宜 富貴真為身外物此心一動便成非五宜却被公全了 誰言無極是真無 禪家直欲尋空去却有張僧愛讀書此是秉獎千古性 贈永福寺張僧 贈五宜翁 立春詩贈丘時雍 引ことし

銀定四庫全書 脱屣功名能幾人丈夫何患志難伸傍人 雲錦江頭自有春 軒前蘭菊經霜後雪裹梅花更有神每笑玄都桃李樹 草堂分得幾多春 東風依舊欲爭春 題沙 贈茶推府致仕 贈致仕嚴掌教 溪釣隱 阦 教三 前月 人莫訝歸田早 Ĭ

簷前松竹幾經霜豈於末學矜多智肯向遺經識大方 傍人 嚴子堂高風月清物理有常須定静本心無累轉虚明 釣隱聞君獨擅名我來細味釣中情 渭濱德老乾坤古 歸儒拳下讀書堂勢利紛紛已兩忘窗外梅花初破雪 何日重來酬舊約力扶吾道正天常 人若問功名事今古長安棋 復俞監生 寄遠行素

欽定四庫全書 笑看燈花夜夜開 **案上有書勤者眼壺中無酒懒街盃心閒自有行窩樂** 此心守得惺惺法不待參禪萬應降 惟聽僧鐘晓養撞疊墨山連遠漢范落烟水接長江 自昔番易號大邦不應國士更無雙誰憐人世古今異 道體能云遠做之方寸間坐人更何事穩卧江東山 寓居偶成 寓永福寺次夏憲副韻 巻三分子 知公已脫塵塗屣策杖之山日少紫 道義胸中萬古情軍父琴歸聞宓子潯陽菊紋老淵明 經世文成百代宗一從軻死聖無蹤龍門妙契心傳後 畫筆徒勞擬化工 百里溪山不計程使書通辱過柴荆婣婕分內二家好 啄春秋 復余太尹

